



Sesida dal

1. da settember 2020

Communitgà ils

7 da settember 2020

Protocol nr.

708

Incumbensa da la Cumissiun per sanadad e fatgs socials (CSF)

concernent la surpigliada dals custs extraordinaris e da las perditas dal retgav da las chasas da personas attempadas e da tgira sco er dals servetschs da spitex sco mesira per dumagnar la pandemia da COVID-19

Resposta da la Regenza

Conform a questa incumbensa da la CSF ha l'Uffizi da sanadad erui ils custs supplementars e las perditas dal retgav ch'èn resultads tar las chasas da personas attempadas e da tgira sco er tar ils servetschs da spitex en connex cun la pandemia da COVID-19. Las chasas da personas attempadas e da tgira quantifitgeschan ils custs supplementars e las perditas dal retgav cun netto var 4,8 milliuns francs (da quels radund 2,8 milliuns francs perditas dal retgav). Ils servetschs da spitex quantifitgeschan lur custs supplementars e lur perditas dal retgav cun circa 980 000 francs (da quels circa 250 000 francs perditas dal retgav).

Cun il conclus dals 14 d'avrigl 2020 (prot. nr. 289) ha la Regenza relaschè l'Ordinaziun davart il pajament da prestaziuns d'utilitad publica ad ospitals publics e davart la surpigliada da perditas d'entradas d'ospitals sco mesira per cumbatter la pandemia COVID-19. L'ordinaziun regla en connex cun la pandemia da COVID-19 la surpigliada da perditas d'entradas tenor l'art. 54 al. 2 da la Lescha davart la protecziun da la sanadad en il chantun Grischun (Lescha da sanadad; DG 500.000) sco er dals custs che valan sco prestaziuns d'utilitad publica en il senn da l'art. 24 al. 2 lit. i da la Lescha per promover la tgira da personas malsaunas e l'assistenza da personas attempadas e da personas che basegnan tgira (Lescha per promover la tgira da personas malsaunas, LTM; DG 506.000). La participaziun dal chantun e da las vischnancas sa drizza tenor l'art. 20 LTM (art. 5 al. 1 da l'ordinaziun).

Analogamain a las mesiras da sustegn ch'èn vegnidas deliberadas da la Regenza a favur dals ospitals en il chantun ston ils custs supplementars e las perditas dal retgav da las chasas da personas attempadas e da tgira sco er dals servetschs da spitex en connex cun la tgira ed assistenza da personas malsaunas, da pazientas e pazients da lunga durada sco er da personas attempadas vegnir repartids tenor l'art. 34 al. 2 e l'art. 41 al. 2 LTM sco suonda tranter il chantun e las vischnancas:

Instituziun	Part dal chantun en francs	Part da las vischnancas en francs	Total en francs
chasas da personas attempadas e da tgira (art. 34 al. 2 LTM; repartiziun 25 % a 75 %)	930 000	2 800 000	3 730 000
servetschs da spitex (art. 41 al. 2 LTM; repartiziun 55% a 45%)	540 000	440 000	980 000
	1 425 000	3 240 000	4 710 000

La Regenza è da l'avis che – applitgond la repartiziun dals custs tenor lescha tranter il chantun e las vischnancas – la participaziun dal maun public als custs supplementars ed a las perditas dal retgav ch'èn resultads saja gista ed inditgada, quai cun l'intent da tractar las chasas da personas attempadas e da tgira ed ils servetschs da spitex en moda eguala sco ils ospitals acutsomatics medemamain publics en il chantun.

Sa basond sin questas explicaziuns propona la Regenza al Cussegl grond d'acceptar questa incumbensa.



En num da la Regenza

Il president:

Dr. Chr. Rathgeb

Il cancellier:

Daniel Spadin